

LVDOVICVS

XIII.

COMMENTARIORVM

DE REBVS IN GALLIA

& toto penè orbe gestis,

LIBER I. TOM. III.

AD NICOL. BRVLARTIVM

Sillerium, Franciæ Cancellarium.




PARISIIS,

ETypographiâ PETRI CHEVALERII,
in monte diui Hilarij.

M. D. C. X.

CVM PRIVILEGIO REGIS.





N I C O L A O

SILLERIO FRANCIAE

CANCELLARIO.

V*T* *cruda & recentia vulnera,*
non modo scalpellum, sed lenissi-
mos tactus manusque suspensas
formidant, sic vereor ne munus-
culum intempestivum sit, neue
rius publicusque dolor, non satis emollitus sub-
actusque, hoc lugubri manipulo recrudescat,
sed cum omni luctu maior sit clades nostra,
ferendum est patientia, quidquid corrigere est
nefas. Ego vero rem posteris meoque instituto
dignam me facturum putavi, si Henric. IIII.
iam non viuum, sed Diuum, indigetem & cæ-
litem, epicadys nanysque prosequerer. Dum
vixit illius res praeclare, fortiter, immortaliterque
gestas complexus sum, ac gloriosa illa
narratione Commētarij penè omnibus paginis,
suisq; factis velut gemmis scintillant, cum

EPISTOLA.

*quodam tamen temperamento & parcimonia
laudum, ne viuo assentari viderer, nunc autem
citra metum inuidie & adulationis, passis ve-
lis in pelagus laudum suarum excurrere, &
que superstiti elogia scripsi, cumulatione facere
dabitur, nam ut vetus ille scriptor,*

Maius ab exequijs nomen in ora venit.

*Hanc lugubrem laciniam attexere Commen-
tarijs, ratio temporum iussit, cum post-futuris
auspicata & inauspicata memoranda sint: At
tu illorum non minimam partem occupas,
(SILLERI TOGÆ PRINCEPS) his enim quātiū
res Gallicas prouexeris, non uno loco predicavi,
ut Veruineū, & cum Heluctijs Rhætisq; fœdus
iētum, Angustæ coniugium te conciliatore &
quasi paranymphe, fortunatè ad multam pro-
lem procuratum, ac plura ad tui nominis peren-
nitatem scripsi, quæ si aliquando legeris, in his
res à te gloriose gestas, verè & probè sine pal-
po & titillatione expressas agnosces, ut Car-
thagini in tabulâ de excidio Troiano, Æneas,
Sese Principibus permistum agnouit Achiuis.
Vale, cor Regis, fulcrum Regni, Legum custos,
lucerna iuris, Lutetie 15. Kalen. Iulij.*



RODOL. BOTEREII
IN MAGNO FRANCIÆ
Consilio Aduocati,

*Commentariorum de rebus in Gallia
& toto penè orbe gestis,*

TOMI TERTII, LIBER I.

—
M. DC. X.



VANTVM ab exordio & progressu Commentariorum finis dissidet; incœpi ab vnctione regia, ab interitu ciuilis belli, ad pacis auspicia & otia seriem operis duxi, toto illo legenti iucunda & auspicata narratio, qua nihil auersum nihil turbidum Henrico IIII. quinimò omnia illi fauente cœlo nec iratis superis contingere: ventum erat ad summum gradum fœlicitatis, faustum & inturbatum coniugium, adæquata numero mascula & muliebris proles, iam in novum annum Delphinus adultus, (ô vtinam diutius, & saltem in quinquennium, hoc primogenitorum Galliæ elogium protraxisset) ecce in stupendo pompæ apparatu, à summæ tranquillitatis fastigio, ad luctuosam certè rerum sortem deuoluimur. At quàm verum est, in speciem lenocinanti mortalium fœlicitati nō esse fiden-

M. DC. X. dum, vitrea illa est, cum splendet frangitur: ut in tranquillo mari, cœlum sudum, silens mare, resides fluctus, denique omnia tuta à naucleris timentur, sic solo ut salo, à ludicris & genialibus semper metus, qui modestiæ custos est, & effrenati luxus retinaculum esse debet, in Gallia potissimum, in qua sæpius extremam lætitiæ luctus occupavit: Dux Anguianus in ludicro commilitonum certamine, arcæ lapsu colloso cerebro necatus est: In hastiludio Henric. II. liberi nihilo mitiore obitu interierunt, sed hanc amariciem longinquitas temporis forbuerat. At nunc, vel cum fœnore omnium ærumnarum, duodecennis pacis lenitatem luimus, hætenus Commentarios non grauati, non acerbè nec oblectante calamo scripsi, nunc stomachoso, & indignè, sanguine rubicantibus notis, mihi exarandi erunt.

Ego Augustæ Lutetianum triumphum ad prælūm vrgebam, porticus, columnas, obeliscos, toreumata, simulachra, titulos, elogia, & id genus ouationis publicæ annotaueram, postridiè vñctionis Augustalis ad Dionysiopolim, pergebam ad opusculi coronidem, cum ecce properans ad pontem Virgineum, ut nonnulla recens addita obseruarem, video effusos globos euiantium, audio clamores inconditos, fletus, tumultus, ut in capta vrbe, à præuijs inquirō, quid rei fiet ita turbidæ in publica lætitiæ, inclamat vnus occisum Regem, alter grauiter vulneratum, tertius penitus extinctum, nec mora ut feralis nuntius sæpissimè verus est, & vix fallit (ita ad humanas misérias certus est & constans

rumor) statim à vulnere expirasse Regem M. DC. X.
omnes nunciant. In nanijs inanibus, ignavio-
que fletu, quod dici iam pronæ reliqui supere-
rat, non fuit insumptum. Augusta grauius alto
pectore saucia, opportunius dolori seruans se,
prouinciarum vicarios, summosque proceres &
aulicos, qui non pauci aderant aduocat, Can-
cellarius, Villa-regius, Lomenius, qui ocysimè
farcendis malis opem quærebant, ad fidem &
obsequiū cohortantur, illi qui erant fide integra
hoc classico non egebant, vbi sacramento Del-
phino nouello Regi se deuouerunt, celerrimè
abreptis æquis veredarijs, ad suas præfecturas
abeunt.

Ex summis illis proceribus nonnulli qui tandiu
odia & priuatas simultates aluerant, suapte mo-
nentibus superis statim à Regis excessu depo-
nunt, inuicem se amplectuntur, & ad regni tu-
telam amicè conspirant, feceruntque illi cor-
datè profectò & desiderio boni publici, quod
olim duo Romani præfecturæ Consularis con-
fortes, qui cum ad munia publica pergerent,
cum antea inuicem & mutuis odijs implacabi-
liter se exagitassent, vnus ad alterum sic profa-
tus dicitur: Deponamus simultates aut verius »
inimicitias, post magistratum eas si lubet resum-
pturi. Iam inclinante die, cogitur Senatus, (cum
nulla hora ad salutem intempestiua sit,) prope-
rè adfuit, ad seram noctem resprotrahitur, tan-
dem Senatus-Consulto Augustæ regni summa
procuratio attribuitur, & post pridianam vn-
ctionē vicaria filij potestate vt imperaret decre-
tum est, postera luce Senatus ipse, purpura &

M. DC. X. dignitate totus fulgurans (vt nunquam vel Regum obitu definit) iterum cogitur, circa decimam Delphinus candido & dimisso sonipede vectus, stipantibus tribunis militum, & vtriusque militiæ torquatis equitibus, ad Senatum deducitur, quâ iter fecit effusissimæ turbæ, irrequieti illi clamores, *viuat Rex*. Vt Lutetia caput & cor regni est, Regum Regia, sic Cancellarius, & Patr. Conscrip. sunt assertores legis Salicæ, portus inter ciuiles procellas, domesticarum factionum securis, vinculum pacis, à quibus suprema mediâ vel infima tribunalia, non modo rerum forensium, sed politici & publici regiminis exemplum capiunt. At si vnquam Cancellarius, Senatusque olim singularem & salutarem openi regno præstitere, certè fuit fatali illo vespere, qui Lutetiæ omnia luctu & mœrore compleuit.

Ludou. Seruinus Triumvir Regius, qua est expedita & mirabili facundia, strictim de Henrici IIII. summis virtutibus nonnihil delibauit, Principes, Francicæ coronæ administratos, proceres, tribunos militum, vniuersosque ordines ad mutuam animorum coniunctionem, fulcrum Regni, Regis & Augustæ obsequium cohortatus est. Postquam fari desijt, incæpit Achilles Harlæus, oratione plane digna illo Nestore: adhibita verò quam celerrimè illa medela publico & adeo lethali vulnere, Cancellarius, Senatores summique proceres, nobis post futurisque exploratum fecere, illis omnibus tanquam Atlante & fulcro inconcussio labens regnum inniti: nam si quis prisca sæcula

reuoluat, rerumque euentus altius recogitet, inueniet profectò Monarchiæ Gallicæ perennitatem, post singularem illam numinis tutelam & prospicientiam, Cancellario, P. Conſcrip. Tribunis militum, officialibusque coronæ eſſe referendam, ſi noſtros & coæuos Annales excutimus, quod non ſumus Hiſpano-belgæ, quod Galli, quod intus & in cute candidi, nec Iberica ferrugine ſumus inſuſcati, togatæ militiæ tribuendum eſt, qua vindice, corona integra manet, lilia inconuulſa, non eradicata, non euulſa à tot ciuilibus procellis, fracti perduelles, factioſi compreſſi, audaces & prurientes ad res nouas coërciti, ita vt regni ſummum robur in legum publica vindicta ſitum ſit. Vna & altera die excubiæ ad portas, quæ tertia dimiſſæ, ita præter omnium expectationem, ad paccatum regni ſtatum omnia ſpectant. Comes Sueſſioneus, regij primique ſanguinis Princeps forte aberat, illico per celeres equos de reditu rogatur, accepto ferali nuncio plurimum doluit, accinxitque ſe itineri, & 16. Maij circa primam à meridie urbem acceſſit, illi obuiam itum eſt, inuiſit Auguſtam, ſumma & fida omnia pollicetur. Audite verò quo infando ſcelere Rex inuictiſſimus necatus ſit. Omnia ille ad triumphum Lutetianum Auguſtæ, ſtupenda & magnifica parauerat, ad officinam tormentorum ibat, cum Ducibus Eſpernonio, Montbazonio, alijsque, qui omnes vna rheda vchebantur, à Broſſio fatidico præmonitus fuerat, vt die illa ſibi ab inſidijs caueret, Dux Vindocinenſis abituro Arioli minas repetit, vt nugacem Broſſium & falſum

M. DC. X.

vatem Rex explodit, metu dubiæ fortis satellites comitari voluerūt, negat ille, & domi esse quietos iubet, tantum pedisequi rhedam insequabantur, quæ vbi in vicum Ferrarium deuenit, præpedita onerarijs plaustris, tantillum heu & nimium hæsit, pedisequi relicta via publica, per fornices cæmeterij Innocentium pergunt, sicarius excubitor ad eadem, qui audierat iussum satellitum subsidere, fiducia sceleris exequendi, rhedam erat insequutus, vt illam sic hærentem, Regemque auerso vultu cum Espernonio obloquentem, vbi sublimen in rhedæ suggestu videt, rotæ axem conscendit, ac cultro primum leuiter fodit, mox repetito ictu pectus transfodigit, percussus se Rex inclamat, mox vt latum & lethale erat vulnus, illatumque ea parte quæ maximè vitalis est, quæque cordis est conditorium, illo sanguis ore etiam & naribus erumpbat, tam defrenato fluxu, vt ad limen Luparæ expirauerit, prius tamen qui fortuito adfuit Antistes, cum anima in supremis esset labijs, venia illū delictorū impertiuit, medicum mysticum moriens agnouit, & quod præclusis faucibus voce testari nequijt, nutu & oculis in cælum defixis, Christianè mori se testatus est. Regium cadaver dissectum, omnium mœstittiam auxit, in eo enim illæsa præcordia, nulla labe affecta, quæ longævam vitam illi spondebant, nisi hanc omnium vitalem vitam, publicus ille hostis patriæ secuisset, mitius enim sublatum lugeremus, si ex secti cadaveris præcordijs non diutius vel breuius victurum fuisset cōiectum. Functorum probitas, quamq; necessarii, amati, cupiti fuerint ex publico luctu di-

gnoskitur. Henricum Valesium, qui à partibus eius stabant soli meritò & immortaliter defleuerunt, auersi ab eo secus, ne quid deterius adjiciam. At recens sublatum non Aulici, non quos ingentibus beneficijs multos sibi deuinxerat, sed vniuersi perditè, insolabiliter luxere, lugebuntque, quando quidem carendo magis quam fruendo quantus esset, vel in hoc præter expectationem, singulari ope numinis paccato rerum statu, experimur. Æmuli imò hostes ipsi, ad inuitum luctum coguntur, quod si lachrymis, vel hominum lanienis quasi victimis, mortales rediuiui forent, quot Decij, quot Curtij, pro illo se deuouissent? sed vt de fato ineluctabili querebatur vetus ille scriptor,

Panditur ad nullas ianua nigra preces.

Si fas verò ex re mala, bonum omen capere, omnia in isto turbido & irrequieto salo ad tranquillum spectant. Henrici III. obitus certè feralis, sed regni status longè turbidior fuerat, vrbes fœderatæ, magna ex parte nobiles, vel ad insaniam vt in eum coniurati fuerant, sic nec in defuncti memoriam mansuetiores. At Henric. quartum omnes lugent: Prisci Annales Lutetiam regni caput Regiamque memorant, à qua reliquæ vrbes pacis & belli exemplum capiant, quod si vnquam illa in Reges obsequium testata, certè fuit die illo, vel cum omnia ad Augustalem triumphum fausta & genialia essent, qui insperato luctu compleuit: vt verò fabulantur Pollucem exoriri, cum Castor occidit, sic repente publicè & compitatum renuntiatum, viuere Regem, imperatumque turbis, vt hanc vocem

M. D C. X.

geminarent, *Vinat Rex*: ostentio simile est, in iactu fuisse letitiam, mœsto pectore oculisque madentibus vulgus inclamasse, quod faustum & geniale est. Aliquot tamen, qui res novas & turbida omnia affectant, vt sublatum Regem audiuere, vel in Lutetiano agro prisca latrocinia ausi sunt, alij per vias publicas grassatores viatoribus vim intulere, nec ab aulicis viris temperarunt, alij arces munitissimas dicto ocyus occuparunt, iamque illas ad tyrannidem & officinam prædationum constituebant, cum illicò Augustæ, Senatus & procerum mandato cœptis ferilibus absistunt. 27. Maij, scelus istud (sic notare portentum lubet, quandoquidem illius tetro nomine hanc scædare paginam horret animus, & facio quod olim Græcia, quæ Annalibus nominari illum vetuit, qui Ephesinum Dianæ delubrum igne consumpsit) traha ad ædem virginis dirus homo raptus, exuitur vestibus, indusiatus & tedifer, pronus in genua, capitale iudicium audiit, quo damnatus execrari facinus, dehinc ad plateam Grauiæ, ad exquisitissimos cruciatus rapitur, primùm dira manus quæ parentem patriæ sustulit, trito sulphure & tormentario puluere super candentes prunas sæpius iniecto, lento igne exurit, dehinc brachia, mamma, crura, suræ, ignito forcipe stringuntur, mox partibus his vstulatis, oleum feruens, pix, cera ebulliens plumbum liquefactum infunditur, tandem quatuor iugalibus in contrarium actis, ægrè admodum diserpitur, in longo & horrendo illo pœnarum spectaculo, in sicarium diræ voces, eiulatus, deuotiones & plaustra conuictorum,

ita ut ab illo vix iracundum vulgus temperaverit. At memorandum posteris, quempiam ex regio satellitio equitatem, cum ex equis lanientibus, alterum legnius remissiusque agentem videret, in pedes desiliisse, equo ephippia detraxisse, iugo & rudentibus alligasse, flagello & clamoribus ad lanientem monstri concitasse, ultro etiam multi agitadores equorum fuere, ita publicæ ultionis omnes appetentes erant, & recordatio tanti Regis, ad omnem scruitiam uniuersos exasperabat, cadaueris fragmenta rapta à vulgo, & compitatum per volutabra raptata, obruta luto & saxis, perfossa mucronibus luere, ita viuax odium, ut morte adeò cruciabili satiatum non fuerit. Cumque ut moris est, adhibitus sacerdos ad curam animæ & salutis, precationem inchoasset, nemo voce præcuntem insequutus est, quinimò incondito fremitu inelamatum, non egere precibus, qui magnitudine sceleris cruciatibus inferorum deuctus esset: Indictum etiam, ut domus quæ natalitia, & impiata cunis tam sædi portenti, solo adaequaretur, neue in posterum quidquam aræ superstrueretur, parentibus ut intra quintum decimum diem, à publicato Senatusconsulto regno facerent, ni fecerint, indicta illis pœna laquei, præscriptum etiam gentilibus, agnatis, omnibusque cognominibus, ut antiquum & ferale nomen mitiore mutarent. At mortalium facrimus, non equuleo, fidiculis, laminis candentibus, exquisitisque pœnis, adduci potuit ut si quos habuit flagitij suasores & conscios proderet, ita silentij tenax, ut lingua tacendo non mi-

M. DC. X. nus forſan nocuerit, quàm dextra feriendo. Nil mirum videri debet, ſi vbi deprehenſus fuit, & in publica & priuata cuſtodia aſſeruatus nuſquam viſus facti pœnitens, vel in acerbiffimo cruciatu tacere & loqui pertinax, nam vt ſcitè Chriſtianus doctor: *habet diabolus ſuos martyres, nec enim pœna, ſed culpa martyrem facit.* huiuſcemodi ganeonibus affectatus eſt tormentorum deſpectus, ſic olim Spartæ nebulo, cum ſubreptam vulpeculam, intra cutem & interulam abdiſſet, comprimeretque, tacitus morſus & laniatione paſſus eſt, ne voce furtum proderet. Sic Philippus quidam, Fuluij Flacci ſeruus, octies tortus nullum omnino verbum emiſit, ita peſſimiſ ingenijs obſtinatio pro virtute eſt, & falſæ gloriæ quaſi facibus ſuccendit. At non credibile eſt ſuapte ſine monitoribus, tantum facinus aggreſſum, atque ſuſpicionem maximè auget, quod apud exteros, rumor cœdis ipſam anticipauit: audio enim veredarium curſorem fines regni prætergreſſum, biduo ante regiam necem rogatum, num Rex cæſus fuiſſet? In hac vero rerum acerbitate, erga deſuncti memoriam ſummus cultus & obleruantia populorum, inque filium ſuperſtitem & Auguſtam incredibilis amor, ſtudio & obſequium bonos omnes plurimum ſolatur & recreat, longè enim à veteri infania abſumus, cum olim deterrimiſ Francorum, falſò cognominatum Clementem regium ſicarium, Diualibus ſaſtis aſcripſerunt. Caſtellæum æquè piacularẽ, ob tentatum ſimile facinus, ſed infecto minus dirum, Apologetico opuſculo laudarunt, qui peſſimo exem-

Val. Max. de
quaſt. c. 4.

plo scribendi faciunt, vt in posterum in perpetua trepidatione Regum vita versetur, & Regem nunc esse quantumvis forti satellitio septum, iam non tutum sit: profectò buccinatores illi sicariorum, cum illis pari cruciatu adæquandi sunt, nam inter suaforem facti & patratores quid interest? cum vnus cruenta manu, alter mente reus sit? quinimò acerbius illi puniendi sunt, qui proposita ganeonibus & nebulonibus falsa beatitatis spe, eos ad regias cædes impellunt, cum tamen auso vel peracto facinore, ad æternos inferorum cruciatus detrudant, vt certè Clemens ille, Castellæus, & quem nominare horresco recēs ille, tantum absunt à cœlo, quantum ima voragine Tartari demersi sunt. Illi verò animorum venefici scriptores, non modo in humanas leges, sed in Dominicalia præcepta committunt, non enim solum Reges Deus, (quos suos Christos vnctos Deosque minores passim nuncupat) sed quemlibet proximum interficiendum prohibet, contemptoribus adiecta pœna propriæ necis. Hi verò calamo mucrones acuunt, oratione tanquam classico vtuntur, de imperijs regnisque, quasi ab eorum nutu pendeant, statuunt, ita vt ab illis fasciatus quilibet ganeo & perditus, sibi tyrannum vbi finxerit, illicò regiro & vita Imper. & Regem extat: dogma pestiferum, veneficum, hæreticum, iampridem antiquis & recentioribus Concilijs damnatum, quod infectari, deuouere, eradicare ex omnium animis, contraria scriptione quamprimum enitar, in hac enim rerum scena & sicariorum crebrescente audacia, fibræ tam por-

M. DC. X.

tētoſi feminis auerruncandæ ſunt: *Pre, ſeca, lania*, perſtant, falſa pollicitatione beatitatis, vt quondam in Syria Saladinus, impar Chriſtianorum viribus, perditum quemque & audentiſſimum papauero poculo ſopitum, in amœniſſima vi-reta deuehi curabat, poſtquam euigilauerat, epulis ſaliaribus, promiſcui ſexus miniſterijs, iuencularum ſuauijs, nemorum delicijs, atque omni voluptatum genere vbi expleuiſſet, alio poculo rurfus ſopitum, per neſcio quem delirum vatem, ad Chriſtianorum principum cædes cohortabatur. Illi autem concepta fiducia, peracto ſcelere in huiusmodi campis Eliſijs, ſempiterno. xuo ſe fruituros, intrepidè medijs in caſtris & ſatellitio, deſpecta omni ſæuitate tormētorum, Chriſtianos Principes necabant: at huiuscemodi portenta falſi dogmatis renouarunt illi, qui Reges vnctos domini (quos tyrānos falſò prædicant) iugulare, cui libet vel ſine publico decreto fas eſſe putant.

Senatus Pariſienſis pari antecellorum prudētia, veterem infaniam recrudeſcentem, & noſtro ſæculo crebriorem coërcuit, indixit enim 27. Maij ſcholæ Sorbonicæ, vt Baſilienſe decretum ſuper horrendis nefarijsque aſſertionibus Ioannis Parui, habito conſeſſu omnium magiſtrorum renouaretur, nec mora, Sorbonici Theologi accitis Nauarreis & Cholleteis concordia omnium aſſenſu, decreti vetuſtate penè obſoleti rubiginem detergunt, ac poſito ſenio recenti promulgatione iuuenefcere faciunt: prudenter & politicè à Senatu, religioſè ab ordine vniuerſo Theologicorum factum: nam vt agri quan-

tumuis vberes feracesque aspretis & senticetis
squallent, nisi vomere renouentur, sic leges situ
& scabricie annorum, affectæ & penè morien-
tes, nisi ad vitam & vsum reuocentur. Vt verò
sciant omnes, ab Oecumenica Synodo hæreti-
cam Ioannis Parui vel potius insigniter prauī
doctrinam damnatam, assertoresque & conscios
hæreticos nefariosque fuisse pronunciatos, pla-
cuit decreti Constantiensis formulam exscri-
bere.

Præcipua sollicitudine volens hæc sacrosan-
cta Synodus, ad extirpationem hæreseon & er-
rorum, in vniuersis mundi partibus inualescen-
tium procedere, sicut tenetur & ad hoc collecta
est, nuper accepit quod nonnullæ assertiones
erroneæ, in fide ac bonis moribus ac multiplici-
ter scandalosæ, totiusque Reip. statum & ordi-
nem subuertere molientes dogmatizatz sunt,
inter quas hæc assertio delata est, Quilibet Ty-
rānus potest, ac debet licitè ac meritorie occidi,
per quemlibet vassallum suum vel subditum,
etiam per insidias, blanditias, vel adulationes,
non obstante quocunque iuramento seu consi-
deratione cum eo, non expectata sententia vel
mandato iudicis cuiuscunque : *Aduersus hunc
errorem satagens hæc sancta Synodus insurgere, &
ipsum funditus tollere, præhabita deliberatione ma-
tura, decernit declarat & definit, huiusmodi doctri-
nam erroneam esse in fide & moribus, ipsamque
tanquam hæreticam scandalosam seditiosam, & ad
fraudes, deceptiones, mendacia, prodiciones, periuria
vias dantem, reprobatur & condemnat, declarat insu-
per, decernit & definit, quod pertinaciter doctrinam*

M. DC. X.

*hanc perniciosissimam asserentes, sunt hæretici & tanquam tales, iuxta legitimas & canonicas sanctiones puniendi sunt. Ioannes Gerſo Parisienſis Academia Cancellarius, paleſtræ Sorbonicæ ſummus pugil, & in proſtiganda huiuscemodi hæreſi ineluctabilis, dialogo Apologetico decretum Synodicum officiſſimè & vt plurimum extulit, ſic in prauſ illius affectas ore Theologico detonat: *Manet in robore ſuo deſtatio falſitatis & hæretica prauitatis, manet approbatio tam ſolemnis ſacra Theologia Facultatis in Uniuerſitate Pariſienſi, cui centum & quadraginta vnum Theologi, manibus proprijs ſubſcripſerunt, manet ſimilis approbatio præclare facultatis Decretorum, in eadem uniuerſitate, quæ ſimiliter in ſe tota pondus approbationis ſuæ dedit, ſub litteris patentibus, manet authenticum valde Parlamenti Regij decretum, vel arreſtum huiuscemodi doctrinæ cum tota propoſitione Ioannis Parui capitaliter damnatiuum, manent deliberationes ſolemniſſimorum Theologorum de diuerſis ſtudijs, quos peruerſa non ſubuertit affectio, manet denique iudicium ſacra Synodi generalis integrum.**

Henric. IIII. ſacro cæromate vnctus fuerat, Lodoici indigetis germana proles, non tam auito iure Regnum, quam iuſtis armis ſibi vindicauerat, vtque lilia & regiam celſitudinem ſeponamus, prudentia, æquanimitate, fortitudine & clementia (quæ dos ſua peculiaris fuit) Reges omnes qui fuere & qui futuri ſunt ſuperauit. At ſaltem Barbari feritatem, Regis frons exporrecta, & priuata in eum comitas exarmare

debut : nam ipso mane illum ad eadem speculantem , audentiusque anteambulonibus se inferentem , præfectus domus Augustæ , cum voce primum , mox fuste submoueret , Rex seuerius agentem , hac voce compescuit , *quid ita huic misero molestus es ?* Vt tota vita Iulium Cæsarem ingentibus factis æquauit , sic moriens mortuusque : Cæsar enim (vt refert laudator suus) religiones fatidicas quæ illum monerent , quæque renuntiarent amici neglexit , custodias cum gladijs à se remouit , Spurinam de Idibus Martijs minantem , vt falsum arguens irrisit , à Casca deterrimo & postremissimo hominum , primo & lethali vulnere appetitus , consossusque ad primum ictum , gemitu sine voce edito , atque ex pluribus arbitrato Antistij Medici vnum vulnus lethale fuit : in funere , & rogo plurimi detractas sibi vestes , atque discissas iniecere flammæ , legionarij arma sua , matronæ etiam plæræque ornamenta quæ gerebant , & liberorum bullas & prætextas : in publico luctu exterarum gentium multitudo circulatim , suo quæque more lamentata est , præcipuè Iudæi qui etiam noctibus continuis bustum frequentarunt : plæbs statim à funere , solidam columnam prope XX. pedum lapidis numidici in foro statuit , scripsitque *parenti patriæ* : periit Cæsar sexto & quinquagesimo ætatis anno , atque in Deorum numerum relatus est. Curiam in qua occisus est obstrui placuit , Idusque Martias parricidium nominari , ac ne vnquam eadem die Senatus ageretur. Plura sunt de Cæsare , quæ Henric. IIII. conueniant , primum despectus

M. D C. X.

ille vaticiniorum, & monentium vt die illa à percussoribus caueret, satellitij domestica custodia remota, ictus ab ignauo & Casca ipso despicabiliore, ab ipso vulnere vox præclusa, singultu tantum emissio, ex duobus vnum tantum lethiferum vulnus, viri, matronæ, innuptæ, impuberes, patritij, nobiles, milites, plæbs & promiscuè genus omne hominum mortuum, vt parentem patriæ luxerunt, annis aliquot Cæsare senior decessit, diem Maij decimum quartum, vt Roma Idus Martias, parricidium Gallia nominabit, in cælum receptum & Diuum factum, boni omnes credunt, & beatum prædicant, omniaque mortales illi præter aras & thura decernunt, Cor regium, in Basilicam Diui Ludouici, balsameis odoribus perfusum Ignatiani transfulerant, ibique conqueuit, donec Calendis Iunijs, ipsimet Duce Montbazonio, Varaneo & pluribus Flexiam (vbi Rex fuerat conceptus, atque vbi si quando de nouissimis rebus & fatali hora cogitaret, velle cor suum recondi professus erat) detulerunt.

Quamuis autem nouelli Reges, Antecessorum seruandis Edictis obnoxij sint, & priuatim filij parentum, placuit tamen Nannetenſe renouari, ne quid religionis disparis cultores, ad suam publicamque securitatem prorsus desiderarent, illud verò sic ex vernaculo, nos latinitate donauimus.

LVDOVICVS DEI GRATIA FRAN-
CORVM ET NAVARRÆORVM REX,
Omniſibus hanc noſtra ſanctiōis paginam lecturis,

faustum sit. Ab immani & horrenda illa cade
præcelsi & plurimum colendi genitoris nostri (cui
numen propitium sit) Augusta vicaria regni
parens nostra, æquè nobis colenda, quantumvis
alto pectore saucia, oculis ingi fletu madentibus,
qua est animi celsitudine & prudentia, ut pluri-
mū enixa est, ne mihi priuatim Regno & subditis,
exinde quidquam noxium succresceret, huic cura
obnixè incubuit, tum ob eum quo me amplectitur
maternū affectum, tum ex votis suffragijsque lilia-
ta stirpis, aliorumque Principum, Antistitum,
Patriciorum, officialium, administratorumque Fran-
cicæ coronæ, decreto Lutatiani Senatus concedi-
tam regni procurationem, me in excelso solio ius-
titia assidente & annuente. Solertia & sedulitas
optima parentis, procerum nobiliumque qui affue-
re, Lutetianorum ciuium fides & probitas ita
emicuerunt, ut nec in eorum cultu & obseruantia,
nec in Augusta prudenti regimine quidquam desi-
derari possit, Lutetiæ non solum paccata omnia,
sed in dies de vniuerso regni tranquillo statu, pro-
uinciales legatos nunciosque accipimus, ita ut in-
ter religione discrepantes, nulla prorsus sit in rebus
politicis discrepantia, quinimò inter utrosque, de
obsequio & bene merendi officijs, est veluti quoddā
laudabile certamen, ex illa olim dissidentium ani-
morum coniunctione, Deo agendis gratijs maxi-
mè obnoxij sumus, quo auspice ea spe ducor, ut
ille qui stator seruatorque imperij nostri fuit,
totque exhaustis periculis illud olim & tandiu
eripuit, ut tot sæculis effloresceret, impuberi meo
a quo præsidium & fulcimentum suum non negatu-
rum, ut ad sui nominis gloriam cum pietate & vir-

M. DC. X.

tute adoleſcam, quod unum efflētum ab eo depoſco
utque conſilia & ſalutaria monita celitus inſpiret,
quibus conceditos mihi populos, paccatos & una-
nimes regere valeam, cum poſt numinis providen-
tiam, regni inconcuſſi fulcrum ſit civium concor-
dia: nam experientia & rerum uſu antecelloribus
Regibus ſatis exploratum fuit, fruſtra vi & armis,
ad Apoſtolicos & Romanos ritus, qui ab illis defe-
cerant fuiſſe impulſos, quinimò inefficax remedium
damno fuit, quod ubi experti ſunt, colenda reli-
gionis ſua veniam indulſerunt, emulatus id ipſum
pracellens genitor noſter, utq; averſos animos con-
ciliaret, Nannetenſe Ediētum tulit, quo promul-
gato, ſervatisque illius decretis pax inturbata
coaluit, & quamvis lex ſit fixa, quaeque non ſit re-
figenda, nec ratiſhabitione egeat, nihilominus ne
quis de noſtra mente dubius ſit, utque conſtet om-
nibus mihi immotum eſſe, ut ſanētio illa Nanne-
tenſis, tanquam lata ad quietem Orthodoxorum,
aequē ut aliorum inconcuſſē ſervetur.

Notum & publicum facio, quod me cum Au-
guſta parente Regni vicaria aſſidente, re ſedulo
perſpecta ex conſilio & aſſenſu Principum noſtra
& liliata ſtirpis, aliorum etiam Ducum, Patri-
cidrum officialium Francica Corona, inſignium-
que procerum Conſiſtorij noſtri, ſtatuo, decerno,
vola ac lubet, ut Ediētum Nannetenſe, atque illius
appendices, decreta, & Senatusconſulta ad illius
explicationem lata, rigide & ſigillatim obſerven-
tur, quique minus obtemperantes fuerint, velut
publicae quietis turbatores, ut coërceantur omni-
bus iuridicis diſtrictē mando, neque ſanētionis de-
ſpectum in ultum patiantur, quod ſi id ipſum vin-

dicare neglexerint, cum despectoribus eadem seueritate pœna equabuntur, Datum Lutetia 22. May. M. DC. 22.

Huic sanctioni noua addita, qua seuerissimè indictum, vt qui statim ab excessu regio, vel proteruitate & pruritu rerum nouarum, vel forte ad præsidium Regni & prouinciarum, arces & castra occupauerant, milite & bellico comitatu instruxerant, commilitones turbasque acciuerant, vt quamprimum relictis arcibus, castris, præsidarijs custodibus, dimissaque omni molitione, præscæ quieti se redderent, si minus obsequentes fuerint, præfectis prouinciarum togatis & succinctis, ac etiam latrunculatoribus iussum, vt illicò tanquam perduelles, & quietis publicæ turbatores eos comprehendant, de hisque indictas edictis pœnas publicè exigant. Nihil profectò conducibilius quam fræno illo legum, homines ad latrocinia publica iam se effundentes cohibuisse, ni maturè eorum audaciæ & furori obuiam itum esset, quot sunt munitissima castra & arces, tot latibula & latrociniorum officinæ fuissent.

Andreas Hacquauillæus, qui nuper Dorsecium collegam suum funebri laudatione erat prosecutus, nunc fato functus, à superstitibus Hannequino & Vadopræno Prætorianis Præsidibus, eandem quam ipse alteri impenderat, vel cumulationem habuit: certè togatorum præstantissimus ille fuit, siue oris egregiam speciem reminiscimur, probos præscos & melioris sæculi mores, æqui summam obseruan-

Obitus & Elogium Andr. Hacquauillæi in mag. Cons. Præsidis Clariss.

M. DC. X. tiam, eruditionem variam & reconditam, quam mansuetioribus musis, & Latinæ poëtices suauitate, inter fori seneriores curas demulcebat: vultu graui fuit, sed comitate incredibili temperato, qui vt æquè iudicaret aduocatis æquus admodum, atque auribus subactis, fuit, vt qui crederet lites non nisi operosè & perspicuè explicatas intellectasque, ritè & rectè iudicari posse. Abstineo pluribus virum prædicare, cuius fama maior stilo meo est, tam beatus viuens moriens mortuusque, vt Deo, cuius cultor summus fuit, charissimum fuisse, omnes qui eum nouere, verissimè credant. Fœlix qui altera die post Regiam cædem, ea non audita, terris subductus est, tunc enim mori dulce fuit.



FERALIS MAIVS.



*EV ! qui mensis eras quondam pulcher-
rimus Anni,
Veris honos, nemorumque decus, quem
Flora nitenti
Pingebat cultu, mulcente Fanonius aura
Cui vernas afflabat opes, & quidquid odorum
Frondicomuniquē parit, gremio terra alma feraci:
Olim qui fueras, nunc desinis esse, sinister,
Dirus, atrox factus, versusque ad funera Regum.
Dolia plena dolis, caco per compita acervo
Congerere ausus eras, Regemque furente pauentem
Plabe fugas, nunquam in Lupara atria celsa reuersum;
Occidit & Maio nonus qui hoc nomine Carolus,
Arx ubi turritum tollit Vicenna cacumen:
Grande nefas, sed maius adest, cadit inter amicos
Amplexus, celsi decus Augustale triumph
Picta trophæa inter, plausus & ouantia vulgi
Agmina, dum tota feruent spectacula in urbe,
Quam melior, maiorque alijs, qui nomine quartus
Henricus, cadit immitis sæuo impete cultri:
Nil nisi ego faustum, latum & geniale scanebam,
Texere pompam omnem, latius meditabar honore,
Iamque parata typis lucem affectabat, in atrum
Cum luctum, inque truces conuersa repente querelas,
Letum delet opus manus indignante liura,
Latitiam Libitina fugat, laurumque cupressus,*

Nenia ferales tota occupat atra Camœnas,
Ergò inuictè iaces, cui vis nulla effera Martis,
Non acies, non Belga truci sociatus Ibero,
Non diuisa ferox, olim civilibus armis
Gallia, non huius iurata in funera gentes,
Incussere metum, Regum Rex maxime, terras
Quos videt illustrans Phœbus, seu manè recentes
Iungit equos oriens, seu vespere soluit anhelos
Fatidica vatum voces, non Brossius Angur
Non portenta Deum, non somnia turbida spectris
Omnia non potuere minas auertere fati,
Regiaque immites ad funera flectere Parcas.
Ecce satus Cocyto, Erebi truci horrida proles,
Pestis & ira hominum, portentum immane, nefandus
Lixa, nepos solo affectans à crimine famam,
(Ut qui Ephesi exussit Diuæ delubra Triformis,)
Regale exilis transfigit acumine ferri
Pectus, & hanc animam, quæ animas tot alebat ademit:
Tu Lybiam infamem monstris mixtoque ferarum
Concubitu superas, quæ portentosa ferino
Gallia Lestrigonum nunc partu, ad funera Regum,
Auellenda tuis ad candida lilia campis,
Viperos generas fœtus, tua qui ubera Reges
Corque, animamque tuam, diro mucrone reuellunt;
Credere non poteris proles ventura nepotum,
Tam dirum hocce nefas animis mortalibus ausum?
Ut ganeo ignauus, fœdoque ignobilis ore,
Terra colluies, fungus, Titania proles
Inferno suadente scelus, furia tus ab Oestro
Tisiphones, Gallus tam Gallo infidus, Ibero
Quam fidus, Regni & Regis sicarius audax.
Ut summos inter procures, diro impetit ausu,
Transadigit quæ ferox repetito vulnere, & alter
Materna ille Nero tua viscera Gallia rupit,

Ipsa etenim tali & lethali concidis ictu,
 Non satus es de stirpe hominum, te te extulit Orcus,
 Et super Eumenides ripis graue olentis Auerni,
 Uberibus pauere feris, natoque venenum
 Infudere truces, ferroque Acheronte recocto,
 Armanere manum, ad Regalia fata cruentam:
 Non qui Caucasus fodit immortalia vultur
 Pectora, Sisyphius lapis, & pertusa Sororum
 Dolia, & vnda fugax, saeuque Ixionis orbes,
 Poenarum quidquid, Siculi inuenerunt Tyranni,
 Inque Perileo qui mugit are iuuenens,
 Atque per ima sedes quae transfiguntur acute,
 Turca solet, quibus ipse suos punire nocentes,
 At ille quacumque ferox tibi Regulè Poenus
 Intulit, & crebro quem consita acumine ferri
 Dolia torserunt, palpebraque clausa soporis
 Indocilem fecit, dirum & cruciabile quidquid,
 Non satis ingentes sument de te impiè poenas,
 Tu Castaleo consorte nocentior, ille
 Par scelus aggressus, sed quod minus efficit ictu
 Exitus obtuso, at tu non nisi cade peracta
 Abstisti scelere, & factum non impius horres.
 Maior tormentis ferro & pugnacior igne
 Suasores forsitan sceleris tegis ore fideli,
 Lingua nocet non muta minus, quam dextra cruenta,
 Et memorare vetas socios, quos scire necesse est,
 Proditor o scelerate negas hac prodere, crimen
 Quae minuant, meritas augent quae silentia poenas:
 Vidi ego diuersi raperent cum membra ingales,
 Omne hominum scutica genus, exagitasse feroces,
 Indigno pede calcabat, fodiebat acutis
 Cuspilibus, lacerabat atrox, lacerata minutim,
 Carnificisque auulsa rogo fragmenta trahebat,
 Vulnere & ex animi plæbs adhærebat, amoris
 C n

Grande sui pignus, nec tot cruciatibus ira,
Ultio nec satiata truci instissima morte,
Partibus infusus plumbi liquor igneus ustis,
Lamina non candens, non forceps flammea, & igne
Lento tosta manus, tanta quæ conscia cadis,
Non membra Hippolyti laniatu auulsa feroci,
Sint licet hac horrenda, tamen non crimen adæquant,
Omnis pœna minor, sceleri mortalis & impar
Vis quacumque, isto vel crimine mitior Orcus,
Nostrarum vitam altricem, monstrum illud ademit,
Fati expers sed fama manet, nec auara triumphos
Eripiet Libitina, suis victricibus armis
Dum constabit honos, dum lilia & ordine longo
Canescent sacrorum, auro tu Henrice perenni
Vives, exemplum venturis Regibus vnus.
Mausolei addat Phidias in marmore, partas
Lauros, tot pugnas, tot bella exhausta secundo
Marte, ad litorea malè mania tuta Dieppe,
Quæ malè Ibericis pugnavit Iberus in aruis,
Et quæ fons Francus, paucis pugnat a manîplis
Vidit in innumeros Gallis sociantibus hostes,
Reddere & Allobrogem nobis malè adempta coactum,
Alpinas Franco superatas milite cautes,
Atque suis totum tremefactum viribus Orbem,
Rhenum, & Sequania metuentem fulmina gentis,
Atque Aquilas sub liligero victore pauentes:
Augustum, atque Titum veluti fleuere Quirites,
Et quos Roma bonos habuit, pulsisque Tyrannis
Sicut Aristidem, gens Attica Thrasybulumque,
Atque redemptores qui libertatis Achina,
Fleuit, Borbonidem, sic Gallia luget ademptum
Flebit & aternum, dum fluctus voluet in æquor
Sequana, & Oceano solnet fluuiiale tributum
Tu Titus, & tu delictum, tu Gallia ocellus,

Placis amor, miraculum eui, speculum omnibus Orbis
Regibus, & bello, quem pace imitantur & ipsa:
Ut solet esse odium, vita vox vera nocentis,
Sic fieri à cunctis post funera, pignus amoris
Magni, teste uno quo vita decora probatur:
Romulida, diros sic quondam odere Neronas,
Caligulosque truces, & cui dant commoda nomen
Moribus auersum, gentis portenta Quirina.
Quam benè in effusos Maius nunc soluitur imbres,
Atque equat nostros nimbo sofydere luctus,
Nubibus ac ruptis magno Regi Æthra parentat,
Cogis nos, veteris renouare Lemuria Mai,
Manibus inferias, quo gens Romana parabat
Quo feralis hymen, nec vincla iugalia nuptis
Prospera, quo delubra Deum conclusa silebant,
Iam mihi tu informis, Iano & squallente pruinis
Horridior, Maio iam Bruma placentior omni,
Ver, Zephyri, nemorūq; coma, & mihi frondea sordent,
Atque suburbanum nemus, & mihi displicet hortus,
Quæque feri strepitu fessum, mulcere solebat
Multa nemus dignata meum Lucinia, mæsto
Iniucunda canit, placet exequiale sinister
Bubo canens, ulula, quique omnis lethifer Ales.

Castore ut extincto, Pollux alternat adempti
Munia fratris, & auricomose se erigit ortu,
Atque à fraterna fulgorem morte resumit,
Sic iubar Henrici, postquam splendere soloque
Desiit, & cælo nouus indiges ille receptus,
Ecce sui pars magna, huius solatur adempti
Occasum exorïens, regni Lodouicus auiti
Heres ut patria simul & virtutis aurore,
Non tantum Aula, omnis pullatos Gallia amictus
Induat, omittat choreas conuiuia luxus,
Et quæcumque solet committere ludicra vulgus

Cinthius ille nouus, nonum iam contigit annum,
Iam premit extremum, iam cogitat arma, frementes
Ardet equos, fingitque acies simulataque castra,
Fortior aequos imbelli Marte laceffit,
Degener inuicti catulus non ille Leonis,
Ignausque Aquila pullus, qui sydera spectet
Conniuente oculo, radiis solaribus impar:
Latona, errantem ut compescuit a quoro Delon,
Edidit ut partus, Phœbum Triniamque gemellos,
Sic fulcit Medicaa, ruentis pondera regni,
Rite suum quamagna Thetis moderatur Achillem,
Spes iubet esse ratas, ad cinica praelia hiantes
Comprimis, excutiens scelerata rebellibus arma,



A L'AVGVSTE ET HEVREVSE
MEMOIRE DE HENRY III.
Roy de France & de Navarre.

TV es donc Ecclipsé, ô Soleil de la France,
Le parangon des Roys, merueille de nos
ans,
Grand Atlas dont l'espaule aux fais les
plus puillans

Ne courba, qui n'eus rien plus grand que ta puissance.
Qui fus tousiours vainqueur, & qui vainquis toy-
mesme,

Pardonnant aux vaincus terrallez par ta main,
Auquel plus que le fer le naturel humain,
Donna plus de lauriers, que la rigueur extrefme.

Tant de barbares Roys, ne regnent que par force,
Par l'effroy des gibets, plus crains & moins aimez,
Toy plus aimé que craint, les plus ennemizez
Contre toy, tu gaignas par vne douce amorce.

La valler fut le sang, le plus pur de ton ame,
Ton bers fut couronné de Palmes, de Lauriers,
Ton poil gris en verdit, au milieu des guerriers,
Mais ta clemence fut de tes vertus la Dame.

Le fer dont tu tranchas l'orgueil des aduersaires,
Fut conduit d'une main qui ne faillit jamais,
Tu sceus les arts de guerre, & les arts de la paix,
Accordant ce qui est ensemble plus contraire.

Tu marias si bien le Laurier & l'Oliue,
Que ces deux verds rameaux t'ombragerēt tousiours,
Leur entrelas ourdit la trame de tes iours,
Et ceste plante encor en ton sepulchre est viue.

Au milieu des assaulx, au plus fort des alarmes,
Bellonne avec Venus, Cupidon avec Mars
Tu ioignis, la douceur des lettres & des arts,
Roy de paix & de guerre, à la terreur des armes.

Tu fus Cesar en guerre, & en paix vn Auguste,
Vn Aristide bon, si tu eusses eu le cœur
Auare à conquerir, comme tu fus vainqueur,
Tout le monde eust ployé, dessous ta main robuste:

Tu fus content du tien, ne pouuant magnanime,
Souffrir qu'un estranger, vint ton lis esbrancher,
Paisible à ceux qui ont voulu te rechercher,
Rude aux autres, qui ont prouqué ton esclime:

Paris n'estoit qu'horreur, de misere il souspire,
En masures affreux, & de faim langoureux,
De palais & de biens tu le comblas heureux,
Et son plastre changeas, en marbre & en porphire.

Tu auois ramené, vn siecle de Saturne,
Et le bel âge d'or, quand vn monstre d'enfer
Plongea traîtreusement dedans ton sein vn fer,
Qui mist ton corps en terre, & tes cendres dans l'urne,

Dessus ton mausolee, vn sçauant Policlete,
Grauera les combats, d'Arques & d'Iury,
De Fontaine François, où ton bras aguerry
Rendit des ennemis, la puissance deffaite.

L'Ibere si long temps, qui la blancheur enuie
Arracher de nos lis, auoit couuert nos champs
De guerriers, tu rompis son ost avec trois cents,
Acte qui passe ceux, de Scandeberg d'Albanie.

Amiens fut le champ, le marathon de France,
Où Albert arriva, inuincible en son port:

Mais qui trouuant son bras contre le tien peu fort,
Baissant les mains, remit à ses pieds l'assurance:
~ Comme ta main vainquit en champ les aduersaires,
Te secondant de plume, ainsi ie les vainquis,
D'escriuant les trophés que tu auois acquis,
Et tu fus le Cæsar, qui fist mes Commentaires.

Ha ! funeste cousteau, tu n'as couppé la trame
Seulement d'une vie ! ha ! ce coup a plus faict
De carnage, que Mars en cent ans n'en a faict,
Cousteau, qui tous les iours iusqu'au cœur nous enta-

me.

Horreur de l'univers ! non point fils d'une mere,
D'un Titan enfouffré, que conceut Alocton,
Armé d'un fer trempé aux eaux de Phlegeton,
Oingt du venin baueux, que vomit le Cerbere :

Les tourments que là bas, ordonne Rhadamante,
L'empallement des Turcs, le feu lent à rostir,
Ne te sçauroient assez de maux faire sentir,
Pour te punir, n'y a point de peine ordinaire :

Mais quel contentement, voir briser ta carcasse ?
Griller ta chair de feux, & depiecer ton corps,
Un grand Roy pour cela ne retourne des morts ?
Notre dueil nous demeure, & ta peine se passe !

Ie te vis demembrer du tourment d'Hippolyte,
Sur quatre limoniers, plus d'une heure estendu,
Te brasiller de feu, de fer, de plomb fondu,
Consommer par loppins ta charongne maudite.

Mais le plus grand tourment me semble la vergon-

gne,

Le hument, les clameurs, & les cris forcenez
Des peuples, contre toy felons & acharnez
Qui vouloient au bourreau arracher ta charongne.

Les morceaux depiecez par mainte & mainte voye,
Voire excédant l'arrest, ils traînerent par tout

Et le iuste courroux en fin n'eut autre bout,
Qu'en te bruslant, de toy faire des feus de ioye.

Mes yeux depuis ce coup, n'ont cessé de respandre.
Vn Ocean de pleurs, las ! i'en baigne mon liét,
Ie seray deormais vn second Heraclit,
Et ce pleur durera tousiours iusqu'à ma cendre.

Cent yeux & plus m'ont veu, plongé en vn abisme
De regrets, de sanglots, comme i'eusse voulu
Ta vie rachepter par le fer esmoulu,
Comme vn Dece, & vn Curce, & à mon Roy victime.

A toy mon grand H E N R Y, ie ne veux plus suruiure
Le solcil m'est obscur, j'aime l'horreur des nuicts,
Je m'abreuue de pleurs, ie me repais d'ennuis,
Et dū monde saoulé, j'ay desir de te suyure.

May le plus beau des mois, qui iadis soulois estre,
De Flore & des Zephirs le mignon odoreux,
Tu seras deormais vn des mois malheureux,
Funeste à deux grands Roys, qui te fais recognoistre.

Le premier estonné d'un amas de barriques,
Tu fis sortir des murs, où plus il ne rentra,
Qu'un cousteau de cassart, si auant penetra,
Qu'il mourut mal-gardé d'une forest de piques.

L'autre qui reconquit la France dechiree,
En ton mois verdoyant, n'a pas eu meilleur sort,
De ce premier beaucoup lamenterent la mort,
Mais celle du dernier est de tous deplore.

Triste May, tu fais bien pour expier l'offence,
De pleurer comme nous, depuis ce coup meschant,
Le ciel moite tousiours, ses escluses laschant,
Verse sur nous sans cesse vne ondeuse influence.

A tel iour tous les ans ie feray sacrifice,
J'ombrageray mon front de funebre Cypres,
Et j'iray tous les ans à Sainct Denis expres,
Pour rendre l'Eternel à tes manes propice :

Tout ce qui allentit ceste douleur extreme,
Qui ferme peu à peu la bonde de mes pleurs;
Du tige genereux, ce sont six belles fleurs,
Dont la prime s'assied au Royal diademe.

Et ceste sage mere, à noz maux Panacee,
Qui calme la tourmente avec ces Alcyons,
C'est vn remede prompt à tant de passions,
Las! qui rendroient la France à iamais oppressee:
Que le grand Dieu des Roys, d'un bouclier inui-

sible,
Couure ton petit Oingt, & le garde des coups,
Du fer des alsassins, & de ces hommes loups,
Qui des Roys, las! des Roys font vn carnage horri-

ble:
O grande Bericynthe, ô Princesse admirable,
Puisse-tu en repos esleuer tes petits,
Et comme son Achille autrefois fist Thetis,
Puisse-tu rendre aussi le tien inuulnerable.

Pour croistre en vn momēt, le Ciel luy soit prospere,
Qu'il force la nature, & deuantant ses ans,
Qu'il croisse, comme font aux riuages les plants,
Et qu'il face bien tost les actes de son pere,
Il en a tous les traiçts, la parole, le geste,
Son ieune aage promet qu'un iour il sera tel,
Qu'ayant regne long temps, il s'enuole immortal
Plein d'ans & de bon-heur au Royaume celeste.

Comme il porte le nom & qu'il est de la branche
de Louys neuf, auquel nous offrons de l'encens,
Aussi suiura-il ses gestes innocens,
Puis qu'il est esleué d'une seconde Blanche.

Le saint nom de Louys, à la France est prospere
Le dernier de ce nom fut cheri, fut aimé,
Vn Auguste, vn Traian, vn Tite il fut nommé,
Et des peuples encore on le nomme le Pere.

Je sanglotois ces vers, confis en amertume
Sur vn papier trappé de pleurs pendant l'effroy,
Je fais ce sacrifice aux ombres de mon Roy:
Puis que ie ne puis mieux ie le fers de ma plume.

Comme vn Cygne mourant se plaint sur le Meandre,


Je chantois ces regrets, Lycurgue de nos loix,
Receuez, SILLERY, cœur & langue des Roys,
L'offrande que deuot à voz pieds ie viens rendre.

Je publie d'vn son qui s'entend de la Scine
Iusqu'au Tybre Latin vos gestes plus fameux,
Ieles continueray, si le traict venimeux
du Mome ne me fait perdre l'œuure & la peine.

Mais vous me seruirez de ceste herbe de Crete,
du chasle-traict dictame & du sacré Moly,
Vostre seul nom rendra l'enuieux ramoly,
Vous resister feroit vne audace indiscrete.



Extraict du Priuilege du Roy.

 AR grace & priuilege du Roy il est permis à PIERRE CHEVALIER Maître Imprimeur & Libraire luré en l'Vniuersité de Paris, d'imprimer ou faire imprimer vendre & distribuer vn liure, intitulé : *Rodolphi Boteraj, in magno Francie Consilio Aduocati, Commentariorum libri XV II. De rebus in Gallia & penè toto Orbe gestis: in tres Tomos tributi.* Et defenses sont faictes à tous autres Libraires & Imprimeurs, d'imprimer, ou faire imprimer, vendre & distribuer ledit liure, d'autre impressiõ que de ceux que ledit Cheualier aura fait imprimer, ou de ceux qui auront droit de luy, pendant le temps & terme de dix ans, entiers & accomplis, à compter du iour & datte que ledit liure sera acheué d'imprimer, sur peine de mil liures d'amende, applicable moitié à nous, & moitié audit suppliant, sans diminution quelconque, pareillement aussi de tous despens, dommages & interests, & de confiscation des exemplaires qui seront trouuez auoir esté imprimez & mis en vente contre la teneur de ces presentes, comme plus amplement est déclaré audit Priuilege. Donné à Paris le 9. iour de Iuin, l'an de grace mil six cens dix, Et de nostre Regne le premier.

Par le Roy en son Conseil,



DE L A L A N E.

